



Ned sën mi Alkurãanã sõma, a bee ne malegs kãndgbã sën yaa waglã, sën yaa manegdbã, la ned ning sën karemda Alkurãanã n maan bit-bit a pugë, ti yaa toog ne-a wã, a tara keoor a yiibu

Yii a 'Aaiša nengë (Wënd yard be a yïnga) a yeelame: ti Wënd Tën-tuumã yeelame (Wënd puusg la A tilgr be a yïnga): «Ned sën mi Alkurãanã sõma, a bee ne malegs kãndgbã sën yaa waglã, sën yaa manegdbã, la ned ning sën karemda Alkurãanã n maan bit-bit a pugë, ti yaa toog ne-a wã, a tara keoor a yiibu».

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tilgr be a yïnga) koo kibare, ti ned ning sën karemda Alkurãanã t'a rulsgã yaa sõma, n tõ-a sõma, t'a karengã yaa sõma, a tara keoor laahr raarã, t'a darge wã na n lagema malegs waglã. La ned ning sën karemda Alkurãanã n maand bit-bit a karengã pugë wã, a rulsgã sën yaa valeng yïnga, la sën lagem ne rë fãa, a modgd n tar-a-la wakat fãa, ti yaa toog ne-a, yë soab tara keoor a yiibu: a karengã keore, la musak ning sën paamda yëndã karengã pugë wã keore.

<https://sunnah.global/hadeeth/mos/show/10113>

